



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax: +387 33 726 423
e-mail: info@voda.ba

Broj: **UP-1/21-3-40-411-7/24**
Datum: **14.11.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Papilon“ d.o.o. Čelić za donošenje rješenja o vodnoj dozvoli za ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona sa pratećim sadržajima, lociranog na zemljištu označenom k.č. br. 1252/5 K.O. Čelić, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „Papilon“ d.o.o. Čelić daje se vodna dozvola za ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona sa pratećim sadržajima, lociranog na zemljištu označenom k.č. br. 1252/5 K.O. Čelić.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu, pod slijedećim uslovima:
 - 3.1. Da se izvođenje radova na prostoru postrojenja za proizvodnju betona vrši u skladu sa uobičajenom praksom za ove aktivnosti, te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (betonski taložnici, betonski kanali i slivnici, kanalizaciona mreža, separator ulja i masti i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.4. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
 - 3.5. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20, 1/24), te pojedinačne i zbirne godišnje izvještaje dostave Agenciji u skladu sa članom 23. iste Uredbe.
 - 3.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).

- 3.7. Ukoliko Vlada Tuzlanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
- 3.8. Da se istrošena ulja, nauljene krpe i sav opasan otpad koji će nastati na prostoru postrojenja za spravljanje betonske smjese redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, pravno lice je dužno provoditi sve mjere i aktivnosti propisane istom.
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „Papillon“ d.o.o. Čelić obratio se ovoj Agenciji sa zahtjevom za donošenje rješenja o vodnoj dozvoli za ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona kapaciteta 10 m³/h, sa pratećim sadržajima, lociranog u naselju Cerik, općina Čelić, izgrađenog na zemljištu označenom kao k.č. br.1252/5 K.O. Čelić, parcela Jabučak,

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- A. Opća dokumentacija
- Rješenje o registraciji, broj: 032-0-Reg-11-002149 od 08.11.2011. godine izdato od strane Općinskog suda u Tuzli – ovjerena kopija,
 - Rješenje o izmjenama podataka, broj: 032-0-Reg-12-001129 od 05.07.2012. godine izdato od strane Općinskog suda u Tuzli – ovjerena kopija,
 - Aktuelni izvod iz sudskog registra izdat od strane Općinskog suda u Tuzli – ovjerena kopija,
 - Uvjerjenje o poreznoj registraciji od 17.04.2012. godine izdato od strane Kantonalnog poreznog ureda u Tuzli – ovjerena kopija,
 - Rješenje o naknadnom odobrenju za građenje, broj:05-19-2870/20 od 15.12.2020. godine izdato od strane Službe za urbanizam, stambeno-komunalne, imovinsko-pravne i geodetske poslove općine Čelić - ovjerena kopija,

- Rješenje o vodnoj dozvoli broj: UP-I/25-3-40-037-6/19 od 25.03.2019. godine izdato od strane Agencije za vodno područje rijeke Save, Sarajevo – ovjerena kopija,
 - Rješenje o vodnoj dozvoli broj: 04/1-13-21-20687/21 od 02.09.2021. godine izdato od strane Ministarstva poljoprivrede, šumarstva i vodoprivrede Tuzlanskog kantona – ovjerena kopija,
 - Izjava broj: 20/24 od 30.09.2024. godine o realizaciji aktivnosti na terenu uslovljenih prethodno izdatim rješenjem o vodnoj dozvoli od strane Agencije,
 - Račun-Obavijest br.: 000222/2222259/1297 od 31.10.2024. godine izdat od strane JKP „Čistoća“ d.o.o. Čelić – kopija,
 - Elaborat o ispitivanju kvalitativnih i kvantitativnih karakteristika efluenta sa programom praćenja stanja voda (monitoring) rezultatima monitoringa za betonaru Papiion Čelić, april 2024. godine urađen od strane Institut za hemijsko inženjerstvo Tuzla – kopija,
 - Radni nalog- Prateći transportni list urađen od strane „Kemeko BH“ d.o.o. Lukavac – kopija,
 - Rješenje o odobrenju za upotrebu, broj:05-23-911/19 od 24.09.2019. godine izdato od strane Službe za urbanizam, stambeno-komunalne, imovinsko-pravne i geodetske poslove općine Čelić – kopija,
 - Rješenje o naknadnom odobrenju za građenje, broj:05-23-1876/18 od 27.12.2018. godine izdato od strane Službe za urbanizam, stambeno-komunalne, imovinsko-pravne i geodetske poslove općine Čelić – kopija,
 - Jemstveni list za izdat od strane „Bor-plasika“ d.o.o. Kneževi vinogradi RH– kopija,
 - Dokaz o uplaćenju federalnoj upravnoj pristojbi na zahtjev.
- B. Tehnička dokumentacija

- Glavni projekat prikupljanja, odvodnje, tretmana i ispuštanja otpadnih voda iz izgrađenog objekta betonare u naselju Cerik, općina Čelić, urađen od strane JPVD „Spreča“ d.d. Tuzla, avgust 2017. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uvidaj na prostoru proizvodnog pogona - betonare pravnog lica „Papiion“ d.o.o. Čelić i tom prilikom sačinjen Zapisnik o izvršenom uvidaju broj: UP-1/21-3-40-411-5/24 od 12.11.2024. godine.

Na osnovu dostavljene dokumentacije, izvršenog uvida na licu mjesta utvrđeno je sljedeće:

- U okviru proizvodnog kompleksa objekata instalirana je sljedeća oprema: silosi (dva) za skladištenje cementa, boksovi za skladištenje agregata, vaga za cement i agregat, vaga za doziranje aditiva, vaga za vodu, pužni transporter za cement i agregat, kompresor, oprema za pripremanje-miješanje betona, vaga za beton, kontejner sa elektro opremom, radionica i alatnica. Upravna zgrada sa kancelarijskim prostorom nalazi se na drugoj lokaciji (u Čeliću).
- Obezbjedenje vode je riješeno priključkom na gradski vodovodni sistem kojim upravlja JKP „Čistoća“ d.o.o. Čelić.
- Pravno lice je u skladu sa zahtjevima iz rješenja o vodnoj dozvoli broj: UP-I/25-3-40-037-6/19 od 25.03.2019. godine tj. u skladu sa detaljnim dinamičkim planom koji je sastavni dio predmetnog rješenja, postupio po projektnoj dokumentaciji Glavni projekat prikupljanja, odvodnje, tretmana i ispuštanja otpadnih voda iz izgrađenog objekta betonare u naselju Cerik, općina Čelić, urađen od strane JPVD „Spreča“ d.d. Tuzla, avgust 2017. godine.
- O realizovanim aktivnostima na terenu dostavio je i Izjavu broj:20/24 od 30.09.2024. godine kojom potvrđuje da je u cjelosti realizovao aktivnosti uslovljene rješenjem o vodnoj dozvoli.
- Pravno lice je angažovalo ovlaštenu laboratoriju prema čijim rezultatima analize nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u okoliš i sisteme javne kanalizacije.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom propisani uslovi u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i

čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Papillon“ d.o.o. Čelić ispunio minimum uslova za izdavanje vodne dozvole za ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona sa pratećim sadržajima, izgrađenog na zemljištu označenom k.č. 1252 K.O. Čelić, te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata



Dostaviti:

- „Papillon“ d.o.o.
- Abdulaha Kovačevića b.b., 75246 Čelić,
- ⊙ AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava